

Renobacion St. Rosa College ta cla

ORANJESTAD – E renobacion di St. Rosa College ta cla. Ta pa prome biaha cu e scol di mas di 150 aña ta haya su renobacion.

Esaki ta informacion for di un relato di gobierno. Eric Vrolijk, di seccion Uitvoer di DOW, ta splica cu un parti di trabou cu a tuma nan hopi tempo tabata e parti di dak, cu tabata di e material asbest. Pa esaki mester a tuma tur e precaucionnan necesario, cu a tuma su tempo.

Na su luga a pone dak di aluminium cu isolatie cu ta brinda mas frescura den e localnan. E scol, parti di basis y kleuter a wordo completamente renoba, hasta tegels y bañonan. Adicional a con-

strui algun baño extra, di cual un di nan ta espacioso cu un rolstoel por drenta den dje,

un cantina, y espacio pa docentenan reuni.

Mas scol riba lista

Prome minister, minister di Enseñansa y minister di In-

frastructura a haci un bishita pa wak e ultimo trabounan cu lo caba den e vakantie di scol. E mandatario di Infrastructura Benny Sevinger ta bisa cu den e temporada di vakantie aki lo tin diferente scol cu nan speelplaats lo haya asfalt, cual a wordo regla door di Ministerio di Enseñansa.

Aworaki ta studiando cual ta e contratistanan cu por haci esaki of si e lo wordo ehecuta door di DOW mes.

“Esaki lo bira un reto grandi pasobra nos ta asfaltando hopi caminda rond, contratistanan ta riba proyectonan grandi. Pero esaki ta e temporada pa haci e trabou na scolnan.” Ayera mandatario a reuni cu InfraTeam con ta bay atende cu e trabou di ba-

